

《續修四庫全書》編纂委員會編

續修四庫全書

上海古籍出版社

五一六・史部・傳記類

續高士傳五卷〔清〕高兆撰……………一

疇人傳五十二卷〔清〕阮元撰〔清〕羅士琳續補……………五三

疇人傳三編七卷〔清〕諸可寶撰……………五二七

疇人傳四編十一卷附一卷〔清〕黃鍾駿撰……………六〇三

2666/06

續選高士傳 四卷附一卷

秀水金孫



光緒癸巳夏月
觀自得齋校刊

續高士傳總目

卷之一

晉 三十有一人

卷之二

南朝宋 十有一人

南朝齊 八人

南朝梁 七人

南朝陳 一人

北朝魏 三人

北朝齊 一人

隋 二人

唐 九人

卷之三

五代後唐 一人

南唐 二人

宋 二十有三

卷之四

遼 一人

金 六人

元 四人

續高士傳 總目

觀自得齋
徐氏校刊

明 至隆慶二十有一人

卷之五

附見

晉 一人

唐 二人

宋 五人

元 四人

續高士傳 總目

二

觀自得齋
徐氏校刊

續高士傳序

淮南陶 激謨

著書之能前知有二其人庸心末學弗傳也備耳儼目無所指歸亦弗傳也如其人寡欲修潔不爲埃壒之所頌譽而又曠然淵然開扶心眼於數千百年之上卽堦戶守獨不立語言吾亦信其必傳於後無疑矣子友高子雲客少遭喪亂自江左還舊鄉補衣蔬食塊處蓬室肆力於學不躡不惰取益於友不汎不隘所謂寡欲修潔自全其天者與嘗蕭然窮巷中俗士曾不得至其門而五父之衡亦無能尋其履屐之迹然則不爲埃壒之

續高士傳序

一

觀自得齋
徐氏校刊

所頌譽固其宜已計生平著書獨多今年春續高士傳又成攷其全編始晉皇甫士安斷於有明之穆廟中閒千餘年共得一百四十三人微顯闡幽循名責實起辛丑八月至壬寅二月始告成事將圖藏之以待異日子雲而階六先生力分俸錢彊其梓行於世高子自謂艸野膠固之性與子略同俾子先爲序之予讀之已而嘆曰有是哉高子之弗合於世也自子有知識以來先生長者之所以教子弟之所以學其初莫不嘔心帖括冀博一第既售則又仰希榮膺朝夕百謀或左右之與游必相與計須田宅幾何僮妾手指幾何米粟絲帛及貧

人金錢幾何促坐指畫語刺刺不少休終身於茲無復
遺悔若夫糠粃不贍糧褐不完者踽踽過乎其門則未
嘗不目爲僂且怪也今高子生今之時棄今之學卽生
乎前古亦不免爲見肘決踵桑樞蓬戶之徒而況承茲
末流觸物齟齬空乎寄託鉛槧以全其天夫豈朝夕百
謀者所能知也哉烏乎其尤可感歎也已昔宋龔開作
傳而於文宋瑞陸君實之事獨詳程克勤作邊民錄而
載瀛國公事復援余應詩爲證此皆信史之所不及有
事纂述者不能不存其實也高子之續是編固各有指
歸然而開抉心眼於古之人纖悉畢具俾讀者如見倉
髮如聞嘆噫詩曰惟其有之是以似之予嘉高子之有
而似之也乃爲序之如此

續高士傳序

二
觀自得齋
徐氏校刊

續高士傳序

同里陳日浴撰

古嘉遜君子自重其道不欲詘節以求世知遠迹巖穴
樂生適性以全其真至使世主欲見而不得致致亦不
能羈以利祿天下所以慕仰其高迨夫政教衰道義薄
類反以山林釣名往往隨時俯就在朝又不能卓有所
建立故處士取純盜虛聲之譏孔子曰遜世不見知而
不悔惟聖者能之此宜其難也易曰遜之時義大矣哉
故或有執志而猶有所待者也或激於垢俗疵物而將
以矯世者也或有見於幾先而佯狂以自全者也迹之

續高士傳序

一
觀自得齋
徐氏校刊

往史誠甚異不同然要之則觀平時之治亂而已夫時
之治亂道與爲隆污然古之君子不惟亂隱治亦隱則
又何也夫治安之世致君澤民迄可以行志而冥然長
往此豈非無益治亂之數者耶又奚取然而君子則以
政化既以平風俗將日以清復吾一出而仕不能少有
加異於其時者吾猶竊羞之毋甯隱也此所以雖治猶
隱也亂世文網密爵祿爲害生之甘餌君子知不能行
其道而隱也固矣法言曰鴻飛冥冥弋者何算焉言其
善違害也近世士朝加印綬夕膏斧鎖計猶且爲之非
竄不隱此莊生所以致嘆於孤豚也智不如鴻遠矣昔

者泰始初元晉業方隆天下士爭以功名自喜皇甫謐以明智之才終其身不仕晉不再傳宗藩更入執朝柄士大夫牽率就戮苟謐而仕禍亦幾不及其身然何若逆睹其事豈非所謂有見於幾先者耶余友高子雲客嘗讀謐所作高士傳嘉之因爲之續而首以謐接其傳雲客臧否嚴去取斷凡名入仕籍後掛冠者黜迷溺於黃老佛之學者黜爲其無遠鑒之識而僂得於一試也爲其才不足以濟時行不取法於先聖蓋有託而隱也雖以二陶之賢其最著已以其迹適有類於是終不得列夫是篇其他則又奚論夫淵明之隱爲晉也使晉不

續高士傳序

觀自得齋
徐氏校刊

爲宋淵明未必不仕也宏景雖名儒者晚乃溺於服食求仙之事不繫乎時而隱者也此雲客之所以不取也余嘗攷經籍志嵇康有聖賢高士傳阮孝緒有高隱傳虞槃佐宗測劉杳周宏讓亦續有高士傳孫綽有至人高士傳贊不知此數家去取與雲客同然否也夫前乎謐與後乎謐作者至多然皆未有其傳傳者惟其謐也今則雲客謐起陶唐迄魏二千年凡九十八人雲客起晉至明穆廟一千三百年凡一百四十三人明國史未備今先旁摭諸家所紀傳者入之向以待異日自明以上其有散見於傳記非正史所載者附於後

續高士傳序

橋李屠 續撰

人之自愛其才甚矣人之樂自見其才甚矣愛其才宜必樂自見猶應龍之迅天飛神鸞之輝九苞也古之高士蘊悶抱奇道希虞夏才匪易矣顧遠引不試視當世爲秦越土苴華腴甘作勞耽寂寞豈其性異人歟抑無所短長處繳乃善全歟熱於就名類先澹歟夫才爲世用用以時行苟不相得大至毀裂輕乃損削天球夷玉不以禮南郊薦東序剖而爲雜佩非不寶耀也失其質矣百尺之錦衣被負販祗益姍笑故才與時違者甯獨

續高士傳序

觀自得齋
徐氏校刊

搶攘凌轢畏若探湯卽運當出險小康承籍而君子自審不輕投足愛之甚斯見之難也漢高之世文終文成已入帷幄比肩戶牖蒯通猶所不顧況於黃綺子陵語光武曰陛下似差進此其不爲杖策仲華亦已審矣自晉以來道薄氣衰佐命之豪每遜其主功業成就不敢望漢何論三代將世實無才人不盡用此其故未可爲中智以下者言之然則雲客續高士傳託始太康不爲接踵皇甫矣天地靈異鍾在英傑識量今古揆測躡度權衡君相絜之以已污染之俗誰與廓清卽有異數浮慕無取是不可出開創之代人畏湯火或爲煨燼歸

之如流已饗其德孰論繩墨禮樂百年賢主鬱鬱是不
可出承平之際上下媿安一旦革易賈生所難旅進旅
退有覲予顏又不可出黃唐既邁吁嗟默高士有心
復泯其迹彼世之詫盛事慶奇邁者絲君子視之皆其
文具支離不可與深言者也然則士安得獨自高有不
得已然者才與時實使之矣顧晦之曰吾爲耕夫爲樵
叟漁父不材之木可終天年情歟否歟才之大者用不
偶時之睽者才不試愛之甚斯見之難也而世之人徒
以爲有所不屑不亦輕於量高士乎雲客之輯書也以
傳系人以贊系傳猶易列象爻詩陳比興不深言其故

續高士傳序

二

觀自得齋
徐氏校刊

俾悟者自察焉其心亦有不得已者然矣雲客取含精
揆采綴裁飾唐宋後諸傳簡雅入古齊驅遷固第攬文
辭具見良史其義例可尋者諸敘縷縷發之獨其意有
所屬陵數朝市不可以槩余爲指其大略雲客將曰是
夫也多言矣

續高士傳序

錢唐胡介撰

才生天地爲天地用道備萬物爲萬物榮有人焉懷才
抱道視天地爲蓬廬等萬物於芻狗而曰吾高士也嗟
乎世亦何賴有高士哉胡介曰是以論其世也或亦有
所不得志於其閒者乎五倫人可自盡唯君臣之際有
得不得焉得則爲陶漁爲版築甚而爲鷹揚五穀世賴
有事功不得則爲蹈海爲鑿坏甚而爲叩馬斬祛世賴
有風節事功爲天地萬物用風節爲天地萬物榮君臣
之道以事功著君臣之倫以風節存然則不得志於君

續高士傳序

一

觀自得齋
徐氏校刊

臣而遂不敢得不忍得焉非外君臣也正以存君臣也
吾友高子雲客閩南高士也天才至性篤於人倫讀晉
元晏先生高士傳而有感也爲傳繼之其文雅馴其事
核其義嚴其取子慎其寓意遠不闕以士之仕也比女
子之字仕不得復士焉卽逃於空虛而谿刻詭誕與溺
於老莊浮圖而有託而逝者皆不入焉豈非以所不得
者君臣也吾父子兄弟夫婦朋友之倫猶得自盡焉故
所列百四十三人中率孝友信義有高世之懷而不詭
於行使後世不敢有潔身亂倫之高士所以存父子兄
弟夫婦朋友之倫也不得於君臣而終不敢得焉不忍

得焉亦所以存君臣也此或高子之志與嗟乎以高子之孝友信義篤於人倫其終得志於君臣之際與否吾不得而知特窺其閉戶著書而首續高士傳也或亦有所不得志於中者乎是亦可以論高子之世矣

續高士傳序

觀自得齋
徐氏校刊

續高士傳序

建業紀映鍾誤

或謂作史者傳一代之事於世外隱淪寥寥不過數人以爲隱淪無益於世點綴史冊如河海之別溪礪大官之繼冰鎔也代不可無亦不可備吾嘗非之古高士莫尙於沮溺丈人諸人彼既無心斯世而其意計猶在收羅孔子子路一輩其強力堅忍雖聖人有所不能是伊尹傳說不遇湯武終身耕田版築而已終身沮溺丈人而已而專引以咎士非持論之平也故通人達士恆有高士不恆有也忠臣義士恆有高士不恆有也天之生

續高士傳序

觀自得齋
徐氏校刊

之既如此其少仁摩義漸之後或有酷烈則無有也崎嶇光復之餘或有篡竊則無有也士深自閉匿又如此固其不幸而爲當世所名更不幸而爲志乘所載更不幸而爲弓旌所物色高士之心已不勝苦而鴻飛霞舉超然滅沒殆不知幾何人矣史家者流類欲昭大其一代之書至空谷希聲勢不得不舉一而漏百豈得已哉作者之闕高士之光也高士以巖穴爲室廬以鹿豕爲妻子以松霞爲服食以天地爲邱墟以清泉白石日出入月盈虛爲自然之文章不磨之名姓後人緬邈元風按志傳而企想其模楷慨詠咨嗟流風餘韻所謂太上

無名不可得矣汲汲逃名猶不失爲次者乎晉皇甫士安輯高士傳千餘年來絕響吾友高雲客淑身修行抗志懷古爰采晉宋以來高士簪爲續傳畧別精而義例嚴歷祀一千三百取士一百四十有三重覈實也博按正史貴信也閒及文集外紀廣見聞也黜稗官懼失實也人數百言名籍行事必賅刪煩就簡也係以贊志仰止也贊必四言從古也或傳略而贊詳紀事詠歌廢一不可也首謚志所自也去陶潛薄令也世遠道微後先相望遂令唐虞以來沈淪隱匿之幽光闡發如在目前覽者處綱淪法斲觚校刊泐之時一對此孤迴卓絕之

續高士傳序

觀自得齋
徐氏校刊

操谿刻說激之行何異靡靡沮洳中陡然華嶽三峰劈天插地有不警心洞目狂叫而痛哭哉嗚呼誦詩讀書可以論高子之世矣亦可以論皇甫之世矣或曰皇甫之書多齟缺庚桑之徒出莊列寓言非必實有其人不若高子斷自典午簡切而明備讀者更爲興起也予曰高士以無名爲名者也古無其人而何嘗無其事強名之以齟缺庚桑負高士之太上者矣廟食而俎豆之此其不祧者與辛丑十月七日

續高士傳目錄

卷之一

晉

皇甫謐	孫登
董京	王裒
劉兆	汜毓
夏統	徐苗
董養	范喬
庾袞	董景道
譙秀	孟陋
王尼	郭文
虞喜	范宣
翟湯 子莊	許邁
孫晷	郭翻
瞿硎先生	公孫鳳
公孫承	戴逵
劉麟之	索襲
皇甫方回	陶淡

續高士傳卷之一 目錄

觀自得齋
徐氏校刊

續高士傳卷之一

侯官高 兆讓

石埭徐士愷校刊

晉

皇甫謐

皇甫謐字士安安定朝那人漢太尉嵩之曾孫也年二十就鄉人席坦受書居貧躬自稼穡帶經而農沈靜寡欲以箸述爲務自號元晏先生耽玩典籍日忘寢食或有箴其過篤曰朝聞道夕死可矣况命之修短在天乎謐從姑子梁柳爲城陽太守當之官人諷謐餞之謐曰柳爲布衣時過吾吾送迎不出門食不過鹽菜今作郡

續高士傳卷之一

觀自得齋
徐氏校刊

而送之是貴城陽而賤梁柳非吾心所安也或勸謐修名廣交謐以爲聖人孰能兼存出處居田里之中亦可以樂堯舜之道作元守論答之遂不仕後武帝下詔敦迫不起自表就帝借書帝送書一車與之咸宣初又屢詔皆不應迺著論爲葬送之制令氣絕之後幅巾故衣遽條裹尸惟齋孝經一卷覆以親土土與地平還其故艸名曰篤終竟不仕

男子皇甫不仕於晉躬耕田野以樂堯舜涅而不淄磨而不磷冥冥鴻飛千秋獨振

孫登

孫登字公和汲郡共人也無家屬於郡北山爲土窟居之夏則編草爲裳冬則被髮自覆好讀易撫琴見者皆親樂之性無恙怒人或投諸水中欲觀其怒既出則大笑嘗往宜陽山中有作炭人見之與語不應文帝聞之使阮籍往觀與語亦不應嵇康從之游三年問其所圖終不荅康將別去登曰子識火乎火生而有光而不用其光果在於用光人生而有才而不用其才而果在於用才故用光在乎得薪所以保其燿用才在乎識真所以全其年子才多識寡難乎免於今之世矣後不知所終

續高士傳卷之一

觀自得齋
徐氏校刊

公和無家北山穴處編草被髮以游寒暑目送世人默然無語嗚呼嵇公保燿詔汝

董京

董京字威輦不知何郡人也初與隴西計吏俱至雒陽宿白社中或乞於市被髮而行逍遙吟詠得殘碎繒絮結以自覆全帛佳縣則不受著作郎孫楚數就社中與語載與俱歸京不甯止楚貽書勸之仕京荅以詩後數年遂去莫知所之於所寢處惟有一石竹子及詩二篇威輦何爲被髮入雒一絲兩絲行歌帶索咄咄孫卿拱之而作土牀詩篇清風寥廓

王哀

王哀字偉元城陽營陵人也祖修有名魏世父儀爲文帝所殺哀少立操尙行已以禮痛父非命未嘗西向坐示不臣朝廷也隱居教授三徵七辟皆不就家貧躬耕諸生密爲刈麥哀遂棄之知舊致遺者皆不受嘗有門人爲縣所役告哀求屬令哀曰吾德薄無足蔭卿屬之何益且吾不執筆四十年矣乃步擔乾飯兒負鹽鼓草屬送所役生到縣門人隨從者千餘人安邱令以爲詣已整衣出迎哀下道至土牛旁磬折而立曰門生爲縣所役故來送別因執手涕泣而去令卽免之一縣以爲

續高士傳卷之一

三

觀自得齊徐氏校刊

恥哀常以爲人之所行期於當歸善道何必以所能而責人所不能及維京傾覆寇盜大盛哀戀墳壟不去爲賊所害

哀也既隱矯矯令望帝殺而父坐不西向令役而徒步擔俛仰道高能容斯文未喪

劉兆

劉兆字延世濟南東平人也武帝時五辟公府三徵博士皆不就安貧樂道潛心著述不出門庭數十年作春秋調人左氏解公羊穀梁解詁百餘萬言嘗有客著犍駒驢至兆門外曰吾欲見劉延世兆儒德道素青州無

有稱其字者門人怒止客兆聞之趨進客客既進踞牀問兆曰聞君大學比何所作兆具述上事且云多有所疑兆舉疑畢曰此易解耳僂僂爲辨釋兆別更立義客發難兆不能對已出門使門人反之客曰親親在此營葬宜赴之後當更來既去兆令人視葬家不見客亦不知姓名

兆治春秋百萬餘言何者客子跨衛叩門晰義已畢四座莫誼尙復能來芳躅思存

汜毓

汜毓字稚春濟北盧人也累世儒素敦睦九族客居青

續高士傳卷之一

四

觀自得齊徐氏校刊

州建毓七世時人號其家兒無常父衣無常主毓少履高操安貧有志業父終居墓所三十餘載晦朔躬埽墳壟循行封樹還家則不出門庭武帝召補南陽王文學祕書郎太傅參軍并不就於時青士隱逸之士劉兆徐苗等皆務教授惟毓不蓄門人清靜自守時有好古慕德者諮詢亦傾懷開誘之年七十一卒

濟北之汜衣無常主毓三十載摩挲壟樹不事王侯何有愁苦不蓄生徒以師好古

夏統

夏統字仲御會稽永興人也幼孤貧以孝友聞采梠求

食星行夜歸或至澣邊拘蟻以資養宗族勸之仕勃然作色曰諸君待我乃至此乎使統屬太平之時當與元凱評議出處遇濁代與屈生同污其泥若污隆之閒自當耦耕沮溺豈有辱身屈意於郡府之閒乎聞君之談不覺寒毛盡戴白汗四布顏如渥丹心熱如炭舌縮口張兩耳壁塞也言者大慙統自此不與宗族相見後母病篤詣雒市藥會三月上已雒中王公已下并至浮橋士女如雲車服燭路統在船中曝所市藥并不之顧太尉買充怪而問之耀以文武鹵簿使妓女服袿襍街金翠繞其船三市統危坐如故若無所聞充等各散曰

續高士傳卷之一

五

觀自得齋徐氏校刊

此吳兒木人石心也歸會稽不知所終

仲御安貧拘蟻而食親親勸駕口張耳塞何物買公金翠相迫三市吳兒廢然無色

徐苗

徐苗字叔胄高密濱于人也少家貧晝執鉏末夜則吟誦輕財貴義兼有知人之鑒兄弟皆早亡撫養孤遺田宅奴婢盡推與之鄉鄰有疾者輒輟耕助營棺槨門生亡於家即斂於講堂行已純至類如此州郡公府辟徵并不就武惠時計吏至臺帝輒訪其安否永甯二年卒遺命濯巾澣衣榆棺雜博露車載尸葦席瓦器而已

高密徐卿負末行篤義在則趨仕宦非欲計吏至臺輒訪安不司馬君臣正復不俗

董養

董養字仲道陳畱浚儀人也泰始初到雒下不干祿求榮及楊后廢養游太學升堂而嘆著無化論以非之永嘉中雒城東北步廣里中地陷有二鷺出焉蒼者飛去白者不能飛養聞嘆曰昔周盟會狄泉即此地也今有二鷺蒼者胡象白者國家之象其可盡言乎顧謂謝鯤阮孚曰易稱知幾其神乎君等可深藏矣明日與妻荷擔入蜀莫知所終

續高士傳卷之一

六

觀自得齋徐氏校刊

董養知幾長絕千祿游於太學歛歔仰屋蒼鷺高飛白鷺偃伏入山不早將及吾屬

范喬

范喬字伯孫陳畱外黃人漢萊蕪長丹之孫也父粲高亮貞正爲太宰中郎齊王芳廢詔爲侍中持節使雍州因佯狂不言寢所乘車足不履地於是三十六載終於所寢之車喬棄學業絕人事侍疾家庭足不出里邑元康中尙書郎王琨薦喬安貧樂道棲志窮巷老長彌堅除安樂令辭疾不拜凡一舉孝廉八薦公府一無所就外黃令高頴歎曰諸士大夫未有不及私者范伯孫恂

恂率道名諱未嘗經於官曹士之貴異於今而見大道廢而有仁義信矣年七十八卒

范公佯狂傷心受禪令子將車侍疾無倦高棲未染名諱不銜處士之貴道衰乃見

庾袞

庾袞字叔褒明穆皇后伯父也袞諸父并貴盛惟父獨守貧約袞躬親稼穡以給供養與弟子樹桑晚以受條或曰今在隱屏先生何茶之過袞曰幽顯易操非君子之志也父亡作宮寶以養母袞妻荀氏樂氏皆官族富室及適袞俱棄華麗與袞共安貧苦相敬如賓歲大饑

續高士傳卷之一

七 觀自得齋 徐氏校刊

藜羹不糝門人欲進其飯者袞輒曰已食莫敢爲設及麥熟穫者已畢而采摭尙多袞乃引其羣子以退曰待其閒及其摭也不曲行不旁撝跪而把之又與邑人入山拾橡分夷險序長幼推易居難禮無違者州郡交命皆不降志元康末潁川太守召爲功曹袞服造役之衣杖鋤荷斧不俟駕而行曰請授下夫之役太守知其不屈禮而遣之後攜妻子隱大頭山田於其下年穀未熟食木實餌石藥有終焉之志將收穫與子恤下山中塗墜崖而卒時人傷之曰庾賢絕塵避地固窮安陋不與世同榮不與人爭利不免遭命悲夫

庾賢拾橡長幼以班荷斧杖鋤州府之閒不降其志不踰其閑免乎斯世而躋於山

董景道

董景道字文博宏農人也少好學千里追師所在惟晝夜誦讀不與人交通永平中知天下將亂隱商雒山衣木葉食樹果撫素琴以自娛毒蟲猛獸依繞其旁劉元海劉聰屢徵皆阻蟲獸不達至劉曜時出山廬於渭汭以壽終

文博絕世二劉交起安車蒲輪阻彼虎兕是知僞命在野則止匪惟蒼天神明高士

續高士傳卷之一

八 觀自得齋 徐氏校刊

譙秀

譙秀字元彥巴西人也少而靜默不交於世知天下將亂豫絕人事雖內外宗親不與相見郡察孝廉州舉秀才皆不就常冠皮弁躬耕山藪范資蕭敬作亂秀避地嚴渠鄉里宗族依憑者以百數秀年出入十眾人欲代之負擔秀曰各有老弱當先營護吾氣力猶足自堪豈以垂朽之年累諸君也年九十餘卒

譙公潔身巢許之亞天屬委路俗士回駕峨峨皮弁耕於澤下八十老翁負戴不假

孟陋

孟陋字少孤武昌陽新人也兄嘉桓溫長史陋少而貞立清操絕倫布衣蔬食以文籍自娛口不及世事未嘗交游時或釣弋孤往獨歸雖家人亦不知其所之也簡文帝輔政命爲參軍稱疾不起或謂桓溫曰孟陋高行宜引枉府溫歎曰含稽王尙不屈非敢擬議也陋聞之曰桓公正以我不往故耳億兆之人無官者十居其九豈皆高士哉我疾病不堪非敢爲高也卒以壽終

少孤絕俗時或釣弋獨往獨來望之莫卽宣武企歎聞而引疾懼彼數奇盜名高逸

王尼

續高士傳卷之一

九 觀自得齋 徐氏校刊

王尼字孝孫城陽人也寓居雒陽爲護軍府軍士胡毋輔之與瑯琊王澄北地傅暢中山劉輿潁川荀邃河東裴遐迭屬河南功曹甄述雒陽令曹攄解之攄等不允輔之等齋半酒詣護軍門吏疏名呈護軍護軍嘆曰諸名士持半酒來將有以也尼時給府養馬輔之等入坐馬廐下與尼炙羊飲酒醉飽而去竟不見護軍護軍大驚卽與尼长假免爲兵東嬴公騰辟爲車騎府舍人不就雒陽陷避亂江夏王澄爲荊州遇之厚尼早喪婦有一子牛一頭無居宅惟畜露車每行輒使御之昇則共宿車上常歎曰滄海橫流處不安也俄而澄卒荆土

饑荒尼不得食乃殺牛壞車煮肉噉之旣盡父子俱餓

憊矣孝孫滄海橫流東瀛不屈避地荊州有車一輛有牛一頭王澄旣歿壞車烹牛

郭文

郭文字文舉河內軹人也少愛山水尙嘉遯父母終服畢不娶辭家游名山雒陽陷步擔入餘杭大辟山倚木樹閒苦覆其上亦無壁障獨居十餘年恆著鹿裘葛巾不飲酒食肉區種菽麥采竹葉木實以自供人有致遺取其麤者示不逆而已王導聞文名迎置西園朝士咸

續高士傳卷之一

十 觀自得齋 徐氏校刊

往觀之文頽然箕踞旁若無人跨躡華堂如行林野溫嶠閒問文曰饑而思食壯而思室自然之性先生安獨無情乎文曰思繇憶生不憶故無情又問曰猛獸害人之所畏而先生獨不畏耶文曰人無害獸之心則獸亦不害人後逃歸臨安結廬山中不復語惟舉手指麾以宣其意未幾卒

文舉嘉遯山棲木食與獸無怖於人則匿嗟彼朝士迎觀狂惑蓬戶朱門道惟不憶

虞喜

虞喜字仲甯會稽餘姚人也獨立操行高尙邈世諸葛

恢臨郡屈爲功曹州郡察舉公車徵拜皆不就邑人賀循爲司空每詣喜信宿忘歸自云不能測也太甯咸初開累詔以博士散騎常侍徵不起束修立德高枕柴門怡然自足釋毛詩略註孝經爲志林三十篇年七十六卒

喜隱澗嶠立德立言大禮之使載道討論怡然自足高枕柴門千頃汪汪風徽若存

范宣

范宣字宣子陳留人也少尙隱遯躬耕好學家至貧儉未嘗入公府韓伯與同載誘俱入郡宣便於車後趨下

續高士傳卷之一

士 觀自得齋 徐氏校刊

後伯遺宣絹百疋不受減至一疋亦不受伯裂二丈投之曰人甯可使婦無幃耶宣乃笑而受之屢徵太學博士散騎郎俱不就家於豫章太守殷羨見其茅茨不完欲爲改宅宣固辭庾爰之問宣曰君博學通經何以太儒宣曰漢興貴經術至於石渠之論實以儒爲弊正始以來世尙老莊逮晉之初競以裸程爲高僕誠太儒然立不與易宣閒居以誦讀爲業譙國戴逵等聞風宗仰自遠而至諷誦之聲有若鄉魯年五十四卒
宣子純儒一介弗取畊田供養不入城府世師老莊裸程爲伍陳留之野而若鄉魯

翟湯子莊

翟湯字道深尋陽人也篤行純素不屑世事人有餽贈雖釜庾一無所受耕於縣界南山始安太守干寶與湯通家遣船餉之救吏云翟公廉讓卿致書訖便委船還吏受教湯既無人反致乃貨易絹物寄還寶寶本以爲惠而更煩之益媿歎焉庾亮臨江州束帶躡屐詣湯禮甚恭湯顧而笑曰使君真敬其枯木朽株耳掉頭而入成帝時徵國子博士不起康帝復以散騎常侍召固辭老疾不至子莊遵父操不交人物惟以釣弋爲娛及長不復獵或問漁獵同是害生之事君止去其一何也莊

續高士傳卷之一

士 觀自得齋 徐氏校刊

曰獵自我釣自物未能頓盡故先節其甚者且夫貪餌吞鉤豈我哉晚亦不復釣端居華門歎菽飲水州府禮命公車徵并不就

枯木朽株虛聲之樂貪餌吞鉤自物之召南山荷鋤北渚罷釣莊有父風湯誠德耀

許邁

許邁字叔元一名映丹陽句容人也家世士族邁獨恬靜不慕仕進時南潯太守鮑靚隱迹潛遯人莫知之邁乃往候探其至要以父母尙存未忍違親立精舍於餘杭懸甯山父母既終乃遣婦還家遠游潯嶽永和二年

移臨安西山中眇爾自得終焉之志乃改名元宇遠游與婦告別莫知所終

邁也士族榮名莫誘結廬中林以依父母父母既沒爰棄彼婦入於西山使全其壽

孫晷

孫晷字文度富春人吳伏波將軍秀之曾孫也恭孝清約獨處幽閒之中容止未嘗傾邪躬親壅畝誦詠不廢聞人之善欣若有得聞人之惡慘若有失親故有窮老數人恆往來告索人多苦之晷與相接欣敬踰甚寒與同食食與同器周贍不倦會稽虞喜隱居灊嶠有高世

續高士傳卷之一

三 顧自撰 徐氏校刊

之風晷欽其德聘喜弟預女爲妻喜戒女棄華尚素與晷同志司徒何充蔡謨先後表薦并不就年三十八卒未及大斂有一老父縵袍屨不通姓名徑入撫柩而哭哀聲慷慨感於左右哭止便出容貌甚清眼瞳又方同郡顧和等百餘人歎其神貌有異莫之測也

異哉文度吳之小侯樂善周急布衣姱修有婦同志無年延留何者老父傷心悠悠

郭翻

郭翻字長翔武昌人也少有志操辭州郡辟家於臨川不交世事居貧無業常墾荒田及以車獵魚獵所得或

從買者便與之而不取直亦不告姓名咸康末乘小船暫歸武昌省墳墓安西將軍庾翼躬往造翻欲強起之翻曰人性各有所短焉可強偏翼又以翻船小狹欲引就大船翻曰使君不以鄙賤而辱臨之此固野人之舟也翼俯屈入其船中終日而去卒於家

武昌郭翻墾田爲食餘力漁獵不受世直吁嗟安西毋復相偪野人有舟僂僂來卽

瞿硎先生

瞿硎先生者不知姓名亦不知何許人也太和末嘗居宣城郡界文脊山中山有瞿硎因以名焉大司馬桓溫

續高士傳卷之一

高 顧自撰 徐氏校刊

往造之先生披鹿裘坐於石室神無忤色溫及僚佐數十人皆莫測之命伏滔爲之銘贊後卒於山中

鹿裘老翁古之沈冥石室獨樂氣甯心亭遭彼桓公命客製銘遂爲世人強名瞿硎

公孫鳳

公孫鳳字子鸞上谷人也隱昌黎九城山谷中冬衣單布寢土牀夏并食於器停令臭敗然後食之彈琴吟詠陶然自得人咸異焉慕容暉以安車徵至鄴及見不言不拜衣食舉動如在九城賓客造請數得與言數年卒鳳兮九城撫琴自適腐餐縵袍與福相惜見迫鮮卑